



00002

詩經四家異文攷卷之四

侯官陳喬樞學

大雅文王之什

大疋○說文繫傳疋古文以為詩大疋字徐鍇曰詩大疋

卽音雅

其命惟新○孟子滕文公上詩曰周雖舊邦其命惟新

媿媿文王○崔靈恩集注媿媿文王

案媿媿毛詩作疊疊崔集注所據乃三家今文也

穆穆文王令問不已○墨子明鬼篇穆穆文王令問不已

案疊疊傳云勉也勉穆一聲之轉易繫辭鄭注云疊

卷四

疊沒沒也亦以聲近相轉問毛詩作聞釋文聞音問

陳錫載周○左氏宣十五年傳詩曰陳錫載周

案昭十五年傳引詩文同國語周語引亦同毛詩釋

文云哉本又作載

文王子孫本枝百世○文選張衡南都賦本枝百世李善

注詩曰文王子孫本枝百世

左氏莊六年傳詩云本枝百世

案文選五十九沈休文齊故安陸昭王碑文注引詩

文王子孫二句文同今毛詩作孫子又北堂書鈔一

眾經音義二十三白帖十九二十引詩本支並作本

枝

惟周之士不顯奕世○後魏書禮志四劉芳議詩云惟周之士不顯奕世

案盧文弨云後漢書袁術傳注引詩亦作奕與此同其歎不意○說文繫傳錯按詩曰商之孫子其歎不億令詩借麗字

常服黼綈○毛詩釋文喁字林作綈

毋念爾祖○左氏文二年傳詩曰毋念爾祖聿脩厥德

案左傳昭二十二年引詩仍作無念爾祖與毛詩同又孝經引大雅云毋念爾祖釋文毋音無本亦作無

卷四

二

述脩厥德○後漢書東平思王傳詩不云乎毋念爾祖述脩厥德

案後漢書宦者呂強傳引詩亦作述脩

儀監于殷峻命不易○禮記大學詩云儀監于殷峻命不易

案毛詩儀監作宜鑿峻命作駿命與禮記所引文異釋文云不易毛以豉反言甚難也鄭音亦言不可改易也下文及後不易維王同

無謁爾躬○毛詩釋文謁於葛反或作謁音同止也韓詩謁病也

案廣雅瘍病也韓蓋以過爲瘍之段借字

宣昭義問○毛詩釋文義毛音儀善也鄭如字

上天之栽○禮記中庸上天之載注載讀曰栽謂生物也

上天之緯○漢書楊雄傳上天之緯

案顏師古集注緯讀與載同文選七甘泉賦注云緯事也李善之訓本於張揖廣雅

儀彤文王○潛夫論德化篇儀彤文王萬邦作孚

案儀彤毛詩作儀刑

萬國作孚○禮記緇衣大雅曰儀刑文王萬國作孚

風俗通義二詩說儀刑文王萬國作孚

卷四

三

大明

天難諶斯不易惟王○春秋繁露天地陰陽篇詩云天難

諶斯不易惟王

漢書貢禹奏言曰詩曰天難諶斯不易惟王

後漢書胡廣上書曰詩云天難諶斯不易惟王

潛夫論卜列篇天難諶斯

案相列篇仍作天難忱斯與毛詩同疑轉寫者改之

說文言部諶誠諦也从言甚聲詩曰天難諶斯

天難說斯不易惟王○韓詩外傳十傳曰言爲王之不易

也詩曰天難說斯不易惟王

案王氏詩攷引外傳作訖今本外傳改忱非又毛詩
易如字此引傳曰言爲王之不易也是讀易爲難易
之易與毛詩義異

天謂殷適使不俠四方○韡詩外傳五詩曰天謂殷適使
不俠四方

案王氏詩攷引外傳如此今本外傳仍作天位殷適
與毛詩文同俠毛詩作挾傳云達也說詳韓詩攷

聿嬪于京○爾雅釋親注詩曰聿嬪于京

案聿毛詩作曰

惟德之行○列女傳二太任之性端壹誠莊惟德之行

卷四

四

案太平御覽一百三十五引毛詩維亦作惟

太任有娠○衆經音義一漢書孟康曰娠音身今多以娠
作身兩通也詩云太任有娠是也

惟此文王○春秋繁露郊祭篇詩云惟此文王小心翼翼
惟此文王○新序雜事四詩曰惟此文王小心翼翼

案漢書董仲舒對策引詩亦作惟字又論衡變虛篇
蔡邕答齋議高誘淮南王術訓注後漢書安帝紀注

引詩竝作惟

允懷多福○春秋繁露郊祭篇詩云昭事上帝允懷多福

班固明堂詩允懷多福

案允懷毛詩作聿懷傳云聿述也聿允一聲之轉

在郃之陽○說文邑郃郃左馮翊郃陽縣从邑合聲詩曰
在郃之陽

〔水經注四〕河水又逕郃陽城故有莘邑爲太姒之國詩
云在郃之陽又曰纘汝維莘謂此也水南猶有文母廟
前有碑水卽郃水也縣取名焉故應劭曰在郃水之陽
案郃毛詩作洽釋文亦引漢志郃陽縣爲證

於澗之浹○初學記六詩曰於澗之浹

案毛詩作在澗之浹

磬天之妹○毛詩釋文倪韓詩作磬磬譬也

卷四

五

案毛傳倪磬也倪磬古今文之異說詳韓詩攷

大定厥祥○白帖七詩曰大定厥祥親迎于澗言迎太姒也

案臧庸以白帖所引爲三家異文喬樞謂大字蓋卽
文之譌耳

船舟爲梁○毛詩釋文造廣雅作船說文船古造字

案方言云船舟謂之浮梁郭璞注卽今浮橋

纘汝維莘○水經注四詩云纘汝維莘

案太平御覽一百三十五引詩纘女亦作纘汝

保佑命爾○毛詩釋文右音祐字亦作佑

保佑命爾○太平御覽三百三詩曰篤生武王保佑命爾

其檐如林○說文加部檐建大木置石其上發以機以退敵也从加會聲詩曰其檐如林

案許氏所引詩三家今文也馬融廣成頌云旃檐摻其如林正用此詩語毛詩作會古文省借字

維予侯興○毛詩釋文予毛羊蘆反鄭羊呂反

案予毛讀爲予我之予鄭讀爲賜予之予音義各異

上帝臨爾无貳爾心○李氏易傳十一干寶注詩曰上帝

臨尔无貳爾心

毋貳爾心○漢書貢禹奏言曰上帝臨女毋貳爾心

上帝臨汝無二爾心○春秋繁露天道無二篇詩云上帝

卷四

六

臨汝無二爾心

案盧文弨云一本作無二汝心毛詩汝作女二作貳

坳野洋洋○永經注九詩所謂坳野洋洋檀車煌煌者也

案臧庸云書牧誓注正義云禮記及詩作坳野

檀車皇皇○韓詩外傳三詩曰牧野洋洋檀車皇皇

四驥彭彭○公羊隱元年疏案異義皆毛詩說天子至大

夫同駕四皆有四方之事士駕二也詩云四驥彭彭武

王所乘

案盧文弨云淮南王術訓許慎注引詩亦同臧庸云

周禮疏三十二引詩駟亦作四

惟師尚父時惟鷹揚。○楚詞天問注詩曰惟師尚父時惟鷹揚。

○周禮環人注詩曰惟師尚父時惟鷹揚。

案初學記十一後漢書注十八引詩文同文選注二

十八漢書王莽傳注引詩惟師尚父藝文類聚九十

一太平御覽九百廿六引詩時惟鷹揚維皆作惟

時惟鷹揚諒彼武王。○太平御覽二百六詩曰維師尚父

時惟鷹揚諒彼武王肆伐大商

案爾雅釋鳥鷺曰鷺揚字卽鷺之消借班固封燕然

山銘以鷹揚之校與螭虎之士對舉是亦以揚爲鷺

卷四

七

之假借字鷹鷺之作鷹揚猶典引虎螭其師之作虎

離也又文選注五十三太平御覽二百三竝引詩諒

彼武王攷毛詩釋文云涼本亦作諒詩經考文云古

本作諒

亮彼武王。○毛詩釋文涼韓詩作亮亮相也

案漢書王莽傳引詩亦作亮彼武王說文繫傳引亦

作亮彼武王據韓詩也

襲伐大商。○風俗通義一詩云亮彼武王襲伐大商

案襲伐毛詩作肆伐說詳魯詩攷

會鼃爭盟。○會晁請盟。○楚詞天問會鼃爭盟何踐吾期

一本作會晁請盟

案此卽會朝清明之異文

縣

人之初生自杜漆沮○漢書地理志石扶風杜陽杜水南入渭詩曰自杜師古集注曰大雅縣之篇曰人之初生自杜漆沮齊詩作自杜言公劉避狄而來居杜與沮漆之地

自土漆沮○水經注漆水篇周太王去邠踰漆度梁山至岐下故詩曰自土漆沮又曰率西水滸至于岐下

藝文類聚八十二詩曰自土漆沮

卷四

入

案段玉裁六書音均表謂毛詩自土沮漆當從水經注及漢書地理志注作漆沮以沮與父爲韻也

古公直甫○毛詩釋文父本亦作甫

孟子梁惠王下詩云古公直甫注云直甫大王名也號稱古公

案唐石經及宋本岳本竝作甫閩監毛三本作父攷隸釋載巴郡太守樊敏碑作直甫又太平御覽八百

三十三引詩文同

陶覆陶穴○說文穴部覆地室也从穴復聲詩曰陶覆陶

穴

案臧庸云玉篇穴部覆下引詩同又云覆或作塤亦作復毛詩復字卽覆之消借

來朝趨馬○王篇走部趨遽也詩曰來朝趨馬言早且疾也

案毛詩作走馬走者趨之古文消借也

帥西水滸○文選干寶晉紀總論詩曰帥西水滸

案毛詩帥作率古字通用

至於岐下○聿來相字○新序雜事三詩曰率西水滸至於岐下爰及姜女聿來相字

案毛詩於作于相作胥傳云胥相也釋文相息亮反

卷四

九

周原腴腴○文選魏都賦張載注腴腴美也詩云周原腴腴藁荼如飴

案李善注引韓詩曰周原腴腴則舊注引詩云云爲

韓詩無疑矣說詳韓詩攷

爰挈我龜○毛詩釋文契本又作挈

班固幽通賦且算祀於挈龜師古曰挈刻也詩曰爰挈我龜

酒壚酒理○毛詩釋文疆本亦作壚

酒召司空酒召司徒○唐石經乃作酒

案唐石經作酒是也小字本相臺本同詩經考文云

古本作迺

俾立室家○毛詩釋文卑本亦作俾注同後放此

其乘則直○毛詩釋文繩如字本或作乘案經作繩傳作乘箋云破傳為乘字後人遂誤改經文

案毛傳云言不失繩直也此解經其繩則直句云乘謂之縮此解經縮版以載句箋云繩者營其廣輪方制之正也此申傳不失繩直之義云既正則以索縮其築版上下相承而起此申傳繩謂之縮之義傳誤繩為乘故云乘聲之誤當為繩也後人誤會箋語遂改經文繩字作乘失之矣又案釋文本破傳二字誤倒為傳破今從阮氏校勘記訂正

卷四

十

縮板以載○禮記檀弓注板蓋廣二尺長六尺詩云縮板以載

案詩經考文云古本版作板

球之仍仍○說文手部球盛土於裡中也詩曰球之仍仍从手求聲

球之𨮒𨮒○玉篇手部詩曰球之𨮒𨮒球𨮒也

案毛詩作𨮒𨮒字即𨮒之消文

百堵偕興○詩經考文古本皆作偕

鼗鼓不勝○說文繫傳鼗大鼓也从鼓咎聲詩曰鼗鼓不

勝

案大徐說文本引作弗勝與毛詩文同

乃立臯門○百帖三十八乃立臯門臯門有伉

案毛詩乃作迺下同

臯門有亢○毛詩釋文伉本又作亢

周禮闈人疏詩曰臯門有亢

臯門有閼○毛詩釋文伉韓詩作閼云盛貌也

藝文類聚六十三詩曰臯門有閼

高門有閼○玉篇門部詩曰高門有閼

文選左思魏都賦古公章創而高門有閼

卷四

十一

案文選李善注云毛詩美古公章父曰高門有閼攷

毛詩作臯門有伉左太冲賦是用韓詩語毛字當為

韓之誤

乃立應門○百帖三十八乃立應門應門將將

應門將將○文選西都賦注毛詩曰應門將將

案班固賦云激神嶽之將將班用齊詩李善注引應

門將將疑本舊注引詩語當為齊詩之異文而李誤

以為毛詩也

應門鏘鏘○張平子七辯云應門鏘鏘

藝文類聚六十三毛詩曰乃立應門應門鏘鏘

案大平御覽百八十二引詩亦作鏘鏘攷毛傳云將將嚴正也則字當作將將將乃古文消借耳又崔季珪述初賦云觀秦門之將將季珪治韓詩者是齊韓二詩並作將字疑鏘鏘爲魯詩之異文又將之同音段借也藝文類聚引作毛詩誤矣

乃立冢土○風俗通義八詩云乃立冢土

〔晉書禮志〕詩稱乃立冢土

案白帖六十七引詩文同

亦不殞厥問○毛詩釋文隕作殞

〔孟子〕盡心篇詩曰肆不殞厥愠亦不殞厥問注云亦不

卷四

七

殞厥問殞失也

行道脫矣○毛詩箋其行道士衆脫然不有征伐之心意

案毛傳云兌成蹊也釋文兌吐外反又徒外反脫通

外反本亦作兌是毛傳本作兌鄭箋本或作脫也

昆夷兌矣唯其喙矣○〔孟子〕梁惠王篇注詩云昆夷兌矣

唯其喙矣

昆夷駮矣○〔說文〕馬部駮馬行疾來貌从馬兌聲詩曰昆

夷駮矣

案昆夷毛詩作混夷駮毛傳云突也突亦疾來之貌

犬夷咽矣○〔說文〕口部東夷謂息爲咽从口四聲詩曰犬

夷咄矣

案此亦許氏兼采古今文異字也犬卽吠之省文

昆夷突矣○文選魯靈光殿賦張載注突唐突也詩曰昆夷突矣

昆夷瘝矣○廣韻二十廢瘝困極也詩曰昆夷瘝矣本亦作喙

案盧文弨云此所引詩脫去中四字盧說是也廣韻十四泰引詩作昆夷駮矣此云昆夷瘝矣者蓋合下維其瘝矣句而約舉之耳

予曰有胥附 予曰有奔走○後漢書何禹傳注詩云予

曰有胥附○又云予曰有奔走

予曰有奔輳○尚書大傳周文王胥附奔輳先後禦侮謂之四鄰

予曰有本奏 予曰有御侮○毛詩釋文本音奔本亦作奔奏本又作走御本又作禦

予聿有奔走予聿有先後○楚詞注二奔走先後四輔之職也詩曰予聿有奔走予聿有先後

棧樸

薪之槁之○毛詩釋文槁字亦作樵積木燒也

案樵說文云或从示作槁

左右趨之○新書連語篇詩云濟濟辟王左右趨之此言左右日以善趨也

案新書容經引詩文同

春秋繁露郊祭篇詩曰濟濟辟王左右趨之

案趨毛詩作趨趙坦云晏子春秋內篇問下引詩左右趨之與賈子董子董子文同

奉璋俄俄○毛詩釋文俄俄本又作俄

奉璋娥娥○公羊定八年傳解詁詩云奉璋娥娥髦士攸宜釋文云娥娥本又作娥

烝徒櫜之○春秋繁露郊祀篇詩曰溥彼涇舟烝徒櫜之

卷四

十四

案櫜毛詩作楫釋文引方言云楫謂之櫜或謂之櫜

雕琢其章 臺臺我王○荀子富國篇詩曰雕琢其章金玉其相臺臺我王綱紀四方

說苑脩文篇詩曰雕琢其章金玉其相臺臺我王綱紀四方言文質美也

雕琢其章○孟子注二雕琢治飾玉也詩曰雕琢其章

追琢其璋○周禮追師注追猶治也詩云追琢其璋

玉篇走部追治玉名也詩曰追琢其璋

案毛詩作追琢其章傳云追彫也是追卽彫之段借

臺臺文王○韓詩外傳五詩曰臺臺文王綱紀四方

〔百虎通三綱六紀篇〕詩云疊疊文王綱紀四方
案毛詩作勉勉我王三家今文皆與毛氏異

早鹿○毛詩釋文麓本亦作鹿

案臧庸云漢書揚雄傳注師古曰大雅早麓之詩宋
祁曰麓舊作鹿刊誤改作麓

瞻彼早鹿○國語周語詩云瞻彼早鹿榛楛濟濟韋昭注
山足曰鹿

案盧文弨云据宋庠本國語引詩如此其舊本仍作
麓鹿字乃古文消借也

楛楛濟濟○說文繫傳楛木也从木晉聲詩曰榛此榛字
當作楛

卷四

五

楛濟濟錯按說文無榛字此卽榛字也

案說文解字云楛木也从木晉聲書曰竹箭如楛段
玉裁注曰六字未詳疑當作周禮曰竹楛讀如晉八
字職方氏其利金錫竹箭注云故書箭爲晉蓋許所
見故書作楛楛本木名故書借爲竹名也大射儀幘
用錫若絺綴諸箭注云古文箭作晉吳越春秋晉竹
十虔晉竹卽箭竹皆與周禮故書同讀如晉者許謂
楛之音同晉也段說是也據大徐本說文與小徐本
文異小徐本引詩榛楛濟濟當作楛楛濟濟陸璣毛
詩草木疏云楛似荆而赤攷說文繫傳云按周禮楛

可爲矢周武王克商肅慎氏來獻楛矢石弩據小徐
說是楛楛一類皆中箭材者又禹貢惟箇露楛楛與
箇露爲伍明亦竹類也惟謂說文無榛字則實不然
說文榛云榛木也从木秦聲一曰敢也衆經音義引
作叢木也
又楛云楛木也从木苦聲詩曰榛楛濟濟小徐意以
楛卽詩榛楛之榛當云詩文無楛字楛卽榛字也或
傳寫者譌舛耳

凱悌君子于祿凱悌○毛詩釋文豈本亦作愷又作凱弟
亦作悌後豈弟皆同

愷悌君子于祿愷悌○國語周語詩曰愷悌君子于祿愷
悌

卷四

去

案左傳僖十二年引詩愷悌君子神所勞矣成八年
引詩愷悌君子遐不作人又國語周語中引詩愷悌
君子求福不回及晏子內篇雜上引詩並作愷悌

璫彼玉瓚○毛詩釋文瑟彼字又作璫

說文玉部璫玉英華相帶如瑟亞从玉瑟聲詩曰璫彼
玉瓚

邠彼玉瓚○周禮典瑞注鄭司農云詩曰邠彼玉瓚黃流
在中

邠彼玉瓚○周禮釋文邠彼音瑟又作邠

案阮氏校勘記云按說文有邛字在卍部从卍又邛字在血部亦从卍然則邛邛皆璉之音近假借字也又白帖七引詩作瑟彼珪璋珪璋一字乃玉璣之誤愷悌君子胡不作人○潛夫論德化篇詩云愷悌君子胡不作人

民所寮矣○毛詩釋文燎說文作寮一云柴祭天也又云燎放火也字林同寮音力召反燎音力小反愷悌君子神所勞矣○漢書揚雄傳注師古曰詩大雅旱鹿之篇曰愷悌君子神所勞矣

文選注九引張揖曰詩云愷悌君子神所勞矣

卷四

十七

莫莫葛藟○毛詩釋文藟本亦作纍

莫莫葛藟○列女傳四詩云莫莫葛藟施于條枚

延于條枚愷悌君子○韓詩外傳二詩曰莫莫葛藟延于條枚愷悌君子求福不回

漢書黃琬傳注詩云莫莫葛藟延于條枚

案後漢書蘇竟傳注引詩藟作纍又引豈弟作愷悌凱弟君子○禮記表記詩曰凱弟君子求福不回

呂覽知分篇詩曰莫莫葛藟延于條枚凱弟君子求福

不回

思齋○毛詩釋文齊本亦作齋齋莊也

案詩經考文云古本作思齋

神罔時侗○說文人部侗大貌从人同聲詩曰神罔時侗
案侗毛詩作恫傳云恫痛也許所據詩文義與毛異
以御于家邦○毛詩箋御治也

案正義云御毛讀爲迓訓迎王肅云以迎治天下之
家國鄭讀御爲馭以御者制治之名故爲治也釋文
云御毛牙嫁反鄭魚據反是毛鄭音義各殊

靡靡在宮○爾雅釋訓靡靡和也

案王氏詩攷以此靡靡爲思齊雝雝之異文

雍雍在宮○漢書八十七下注詩曰雍雍在宮

卷四

六

案文選長楊賦注引詩亦作雍雍唐石經文同

邕邕在宮○魏書賈思伯傳詩大雅云邕邕在宮

厲假不瑕○毛詩箋厲假皆病也

案釋文云烈假毛如字鄭作厲正義云鄭讀烈假爲
瘕集韻十四太云厲病也詩厲假不瑕鄭康成說

厲盡不遐○隸釋漢唐公房碑厲盡不遐

案此與鄭讀合足見鄭箋中改字多據三家今文也

古之人無擇○毛詩箋古之人口無擇言身無擇行以身
化其臣下

案釋文云敦音亦厭也鄭作擇

皇矣

臨下以赫○潛夫論班祿篇詩云皇矣上帝臨下以赫

案毛詩作臨下有赫

鑿觀四方求民之瘼○漢書敘傳詩云鑿觀四方求民之瘼

案鑿毛詩作監瘼毛詩作莫文選齊安陸昭王碑慮

深求瘼李善注云班固漢書引詩而爲此瘼今漢書

本同毛詩作莫蓋後人轉寫改之耳

潛夫論班祿篇詩云鑿觀四方求民之瘼

案今本潛夫論瘼字作莫非是據下文更求民之瘼

卷四

九

足證上文引詩是作瘼字也

蔡邕和熹鄧后諡議求人之瘼

說文繫傳按詩曰求民之瘼郭璞曰病東齊曰瘼

惟彼二國 惟此四國○左氏文四年傳詩云惟彼二國

其政不獲惟此四國爰究爰度

案毛詩作惟此二國惟彼四國與左傳所引詩文互

易又潛夫論引詩上下皆作惟此疑原本上句作惟

彼與左傳引詩文同後人轉寫依毛改彼字作此耳

其正不獲○毛詩箋正長獲得也

案釋文云政如字政教也鄭作正正長也

上帝者之○毛詩箋者老也

案毛傳訓者爲惡王肅云惡桀紂之不德也鄭義與毛異

憎其式郭乃券西顧○毛詩釋文郭如字本又作廓眷本又作睠又作券並音眷同

案趙坦云羣經音義三作憎其式郭

上帝指之憎其式廓乃睠西顧此惟與度○潛夫論班祿篇詩云上帝指之憎其式惡乃睠西顧此惟與度

案毛詩指作者睠作眷度作宅王符所引據詩今文與毛氏異又惡字乃廓之誤下文云乃用奢夸廓入

卷四

二十

上帝憎之是潛夫論引詩文本作式廓也與度今本仍作與宅惟宋本作度字今從之

乃睠西顧○初學記一詩曰乃睠西顧

迺眷西顧此惟予宅○漢書郊祀志下詩曰迺眷西顧此惟予宅

漢書谷永傳詩云迺眷西顧此惟予宅

此惟予度○論衡初稟篇詩曰乃眷西顧此惟予度

案予與古書多相假借宅與度通漢書韋賢傳先后茲度臣瓚注云古文宅度同

其留其翳○毛詩釋文留本又作留韓詩云反草也

其菑其瘧○〔毛詩釋文〕翳韓詩作瘧瘧因也因高填下也
其楸其鬻○〔爾雅釋木〕注詩曰其楸其鬻

案毛傳云木立死曰菑目繁為鬻與韓詩瘧字文異
訓同填猶顛也說詳韓詩說

攘之鬻之攘之搯之○〔毛詩釋文〕剔本或作鬻又作搯同
患夷載路○〔毛詩釋文〕串一本作患或云鄭音患

案正義云毛讀患為申申習釋詁文鄭以詩本為患
故不從毛是孔本詩作患字詳見鄭箋改字說

天立厥妃○〔毛詩釋文〕配本亦作妃音同

〔爾雅某氏〕注詩曰天立厥妃

卷四

唯此文王 莫其德音○左氏昭二十八年傳詩曰唯此

文王帝度其心莫其德音

案毛詩正義云此云維此王季左傳言維此文王者

經涉亂離師有異讀後人因即存之不敢追改今王

肅注及韓詩亦作文王是異讀之驗左傳樂記韓詩

豸皆作莫釋詁云豸莫定也義俱為定聲又相近讀

非一師故字異也

〔中論務本篇〕詩陳文王之德曰惟此文王帝度其心

〔禮記樂記〕詩云莫其德音其德克明

〔史記樂書〕詩云莫其德音

貉其德音○毛詩釋文貉本作貉韓詩作莫云莫定也

剋長剋君○隸釋衛尉衡方碑剋長剋君

案克剋音義並同集韻云克通作剋

王此大國○左氏昭二十八年傳詩曰王此大國

克順克俾俾于文王○禮記樂記詩云王此大邦克順克

俾俾于文王鄭注俾當爲比聲之誤也

史記樂書詩云克順克俾俾于文王

馳于孫子○漢書敘傳奕世載德馳于孫子

案毛詩作施于孫子施馳古今文之異

無然畔換○漢書敘傳注師古曰詩皇矣篇曰無然畔換

卷四

廿一

無然伴換○玉篇人部伴詩云無然伴換伴猶跋扈也

案毛詩作畔援釋文引韓詩云畔援武強也

敢拒大邦○太平御覽一百六十四詩曰敢拒大邦

案毛詩拒作距

侵邠徂共○詩經考文古本阮作邠

案毛傳訓徂爲行鄭箋云阮也徂也共也三國犯周

而文王伐之正義引張融云魯詩之義以阮徂共皆

爲國名是則出於舊說非鄭之創造鄭之所言非無

深趣皇甫謐勤於考按亦據而用之

王赫錫怒○集韻五寘錫盡也詩云王赫斯怒鄭康成說

或作賜

案毛詩釋文斯毛如字此也鄭音賜盡也賜字疑亦當作賜

以邊徂莒以篤周祜○孟子梁惠王下篇詩云以邊徂莒以篤周祜以對于天下

案毛詩釋文按本亦作邊莒字毛詩作旅周祜上毛詩有于字盧文弼云宋本毛詩以篤周祜無于字詩經考文云古本有之

〔新序雜事三〕詩曰以篤周祜以對于天下

予懷而明德毋大聲以色毋長夏以革○墨子天志下詩

卷四

三

云帝謂文王予懷而明德毋大聲以色毋長夏以革

案毛詩明德上無而字毋皆作不下不識不知同

弗識弗知○新書君道篇詩曰弗識弗知順帝之則

淮南詮言訓詩曰弗識弗知順帝之則

同爾弟兄○後漢書伏湛傳詩曰同爾弟兄

案毛詩作兄弟伏湛所據齊詩之文也

與爾隆衝○毛詩釋文臨如字韓詩作隆

臨轡閑閑○說文繫傳轡陷陣車也从車童聲錯曰詩臨

衝閑閑衝假借

攸職安安○毛詩釋文職又作職殺而獻其耳也字林云

截耳則作耳旁獻首則作首旁

是禩是禩○毛詩釋文類如字本或依說文作禩

爾雅釋天是禩是禩師祭也

崇墉圻圻○說文土部圻精高貌詩曰崇墉圻圻从土乞

聲

崇墉圻圻○文選十一魯靈光殿賦注張載曰圻猶孽也

高大貌詩云崇墉圻圻

案毛詩作仡仡傳云仡仡猶言言也是亦訓爲高大

之貌文異而義竝同

靈臺

卷四

十四

白鳥鶴鶴○孟子梁惠王上篇詩云白鳥鶴鶴趙岐注云

鳥肥飽則鶴鶴而澤好

白鳥皜皜○新書禮篇詩曰白鳥皜皜

案君道篇引詩文同

白鳥皜皜○說文繫傳詩曰白鳥皜皜

案文選何晏景福殿賦皜皜白鳥李善注云皜與皜

音義同毛詩釋文引字林云鳥白肥澤曰皜鶴古字

作鷁見史記索隱

於仞魚躍○新書禮篇詩曰於仞魚躍

案君道篇引詩文同又孟子梁惠王篇引詩於仞魚

躍音義云丁本物作仍

巨業維樅○說文辛部業大版也所以飾縣鐘鼓捷業如鋸齒以白畫之象其鉏鋸相承也从辛从巾巾象版詩曰巨業維樅

案王氏詩攷引樂苑云文王樂名巨業字亦不作虞皆與毛詩文異

鼗鼓維鏞○毛詩釋文賁字亦作鼗

於論鼓鐘○毛詩釋文於音烏鄭如字論盧門反一云鄭音倫

於樂辟雍○說文繫傳通論於樂辟雍

卷四

五

案毛詩雍作靡

鼉鼓鼂鼂○呂覽季夏紀注鼉皮可作鼓詩曰鼉鼓鼂鼂案毛詩釋文逢坤蒼云鼓聲也字作鼂徐音豐鼂字乃鼂之譌耳

鼉鼓洋洋○淮南時則訓注詩云鼉鼓洋洋案洋字當亦鼂之譌說詳魯詩攷

鼉鼓蓬蓬○太平御覽五百八十二詩曰鼉鼓蓬蓬
矇矇奏工○楚詞注四詩曰矇矇奏工

矇矇奏功○呂覽蓬鬱篇注詩曰矇矇奏功

案毛詩釋文云矇依字作叟字亦作矇

蒙叟奏公○百帖六十一詩曰蒙叟奏公

下武

世有愨王 世有喆王○毛詩釋文哲本又作愨又作喆

皆同

應侯慎德○荀子仲尼篇詩曰媚茲一人應侯慎德

淮南繆稱訓詩云媚茲一人應侯慎德

家語弟子篇詩曰媚茲一人應侯慎德

案漢書敘傳注引詩文同毛詩正義云順德定本作

慎德又集注亦作順疑定本誤然作慎德者自是三

家異文不得以爲誤也

卷四

其

昭哉來許○王氏詩攷漢碑昭哉來許

昭茲來御慎其祖武○續漢書祭祀志劉昭注詩曰昭茲

來御慎其祖父

案詩攷載續漢書注引詩如此盧文弨曰案續漢志

注載東觀漢紀引詩昭哉來御繩其祖武與此不同

喬樞謂盧說亦未審攷續漢志注載東觀紀並無引

詩語惟引謝沈書有大雅曰昭哉來御慎其祖武云

云與詩攷所引文異疑詩攷茲字父字爲哉與武之

聲誤也

文王有聲

眈求厥甯○說文欠部眈詮詞也从欠从日亦聲詩曰

眈求厥甯

案眈毛詩作邇說詳齊詩攷

既伐于密○王氏詩攷書大傳既伐于密

案盧文弨云今所傳大傳無此語殷傳西伯伐耆云

紂曰非予辜也崇侯也遂遣西伯伐崇亦不作密字

作邑於鄆○文選注上毛詩曰作邑於鄆潘安仁西征賦

案北史李業興傳云文王行周南之教以受命作邑

于鄆亦作鄆字

築城伊洳○毛詩釋文洳字又作洳韓詩云洳深池

卷四

七

案張參五經文字云洳字又作洳見詩大雅洳洳古

通用字說詳韓詩攷

築城伊匹○周禮大宗伯疏詩曰築城伊匹

案盧文弨以此爲詩異文今案此句乃賈公彥合詩

築城伊洳作豐伊匹二句約舉之非異文也

匪亟其慾○毛詩釋文亟或作棘慾音欲本亦作欲

案孔氏正義本作匪棘其欲

匪革其猶聿追來孝○禮記禮器詩曰匪革其猶聿追來

孝鄭注革急也猶道也聿述也

案盧文弨云猶古通欲周禮小行人猶犯令者爲一

書大戴禮作欲聿毛詩作邇後漢書李固傳亦作聿
追來孝與禮記同

鎬京辟雍○鹽鐵論繇役篇詩曰鎬京辟雍

說苑修文篇詩云鎬京辟雍

案毛詩作辟廡

自東自西○韓詩外傳四詩曰自東自西自南自北

案外傳五兩引詩亦然文與毛氏異

亡思不服○漢書孝平紀贊亡思不服

案毛詩作無思亡無古通

考卜惟王度是鎬京惟龜正之○禮記坊記詩曰考卜惟

卷四

廿

王度是鎬京惟龜正之武王成之鄭注度謀也

案毛詩惟皆作維度作宅箋云宅居也與此義異

宅是鄙京○水經注十九詩曰宅是鄙京

武王豈不事貽厥孫謀以宴翼子○晏子春秋諫下詩曰

武王豈不事貽厥孫謀以宴翼子

列女傳八詩曰貽厥孫謀以燕翼子

後漢書班彪傳詩云貽厥孫謀以宴翼子

案文選注四十八又五十八又六十引詩詒竝作貽

又大平御覽六十二五百十八五百十九引詩文同

事毛詩作仕傳云仕事也是仕即事之假借燕宴古

通用釋文云孫謙王申毛如字鄭音遜



卷四

九

大雅生民之什

厥初生人○文選注上毛詩曰厥初生人

潘安仁西征賦

案此唐人避太宗諱改民字爲人也

時惟姜原○史記周本紀集解韓詩章句曰姜姓原字或

曰姜原諡號也

以袂無子○太平御覽五百二十九鄭記王權曰生民詩

曰克禋克祀以袂無子

案毛詩袂作弗傳云弗去也箋云弗之言袂也是弗

袂古今字之異又御覽五百廿四引作以拂無子

履帝武畝○爾雅釋訓履帝武敏釋文敏如字舍人本作

卷四

三

畝釋云古者姜嫄履天帝之迹於畎畝之中而生后稷

先生如牽○毛詩箋達羊子也

案釋文如達毛云生也鄭云羊子也說文云小羊也

又引沈去毛如字然則鄭君蓋讀達爲牽故以羊子

言之正義引說文云牽小羊也从羊大聲薛綜答韋

昭曰羊子初生達小名羔未成羊豈大曰羊長幼之

異名以羊子初生之易比后稷生之易也今攷說文

云牽讀若達同是牽達古音相似故鄭以達爲卽牽

字

說文繫傳羊部錯按詩曰誕彌厥月先生如牽牽羊小

羔也

不圻不副○毛詩釋文不圻不副

案正義圻字作拆副字作塌

不圻不副○說文土部圻裂也詩曰不圻不副从土崩聲

不圻不副無災無害○史記楚世家集解詩云不圻不副

無災無害

案災毛詩作菑白帖十八引毛詩亦作無災無害北

堂書鈔一引詩作無災無害

誕寘之黜巷○說文繫傳錯按詩曰誕寘之黜巷

案說文解字云黼陋也从黼葺聲葺籀文噬字噬象

卷四

文黼从呂益

羊牛腓字之○太平御覽五十七詩曰羊牛腓字之

案詩經考文云牛羊古本作羊牛

鳥翼覆之○初學記七詩曰誕寘之寒水鳥翼覆之

案毛詩作鳥覆翼之

實譚實訐○毛詩釋文覃本或作譚

實覃實訐○說文皀部覃長味也从皀臧省聲詩曰實覃

實訐

案說文重文覃云古文覃覃云篆文覃省

誕實扶服○毛詩釋文匍音蒲又音符本亦作扶匍蒲北

反又音服本亦作服

克岐克嶷○說文口部嶷小兒有知也从口疑聲詩曰克岐克嶷

案嶷毛作疑傳云疑識也

藝之荏叔○毛詩釋文菽以作叔

藝之戎菽○周禮大宰疏生民詩曰藝之戎菽戎菽大豆后稷之所殖

禾穎穉穉○說文禾部穎禾末也从禾頃聲詩曰禾穎穉穉

案毛詩穎作役傳云役列也許所據詩蓋三家今文

卷四

三

仄陈葦葦○說文口部葦大笑也从口奉聲讀若詩曰仄陈葦葦

案據說文則毛詩作嗶嗶乃古文之假借

仄陈陈陈○集韻一童陈仄多實貌詩仄陈陈陈通作嗶拂厥豐草○毛詩釋文蕒韓詩作拂拂弗也

案弗卽去也說詳韓詩攷

實房實苞○讀詩記引崔集注作實房實苞

案方房古以音同通假書序乃遇汝鳩汝方史記殷

本紀作遇女鳩女房是其證也又詩大田旣方旣阜

箋云方房也謂孚甲始生而未合時也則義並通矣

惟疊惟芑○隋書音樂志詩曰惟疊惟芑

案毛詩釋文糜音門赤苗也爾雅作疊同郭亡偉反赤梁粟也今爾雅釋草芑赤苗作疊字疊疊古通

巨之秬秠 巨之糜芑○毛詩釋文恒古鄧反本又作巨

案臧庸云正義曰定本作恒集注皆作巨字衆經音義一又四又十二又廿二引詩並作巨

或舂或抗○儀禮有司徹注挑讀如或舂或抗之抗今文

挑作抗

周禮女舂抗注抗扞臼也詩云或舂或抗

或簸或舀○說文臼部舀扞臼也从爪臼詩曰或簸或舀

卷四

三

重文抗云舀或从手从亢又旣云舀或从臼亢

案舀毛詩作掄抗禮古文作挑挑掄之相假借猶恍愉佻愉之相假借也舀掄亦一聲之轉盧文弨曰釋

文云掄說文作舀弋紹反據此則上不應作或簸說文簸乃誤字也

浙之澨澨○毛詩釋文叟叟字又作澨澨米聲也爾雅作

澨音同郭音騷

浙之澨澨烝之焯焯○爾雅釋訓澨澨浙也焯焯烝也樊

光注詩云浙之澨澨烝之焯焯

案爾雅釋文澨澨郭蘇刀反詩云浙之澨澨又毛詩

釋文浮如字氣也爾雅說文並作焯云蒸也

說文火部焯蒸也从火孚聲詩曰烝之焯焯

取牴以較○毛詩釋文牴都禮反牡羊也字亦作羝

案正義本作羝

其馨始升○毛詩釋文其香一本作馨

后稷兆祀○禮記表記詩云后稷兆祀

案兆毛詩作肇古文假借字也故箋以肇祀為郊兆

之祀蓋用三家今文為說

行葦

瞻彼行葦○百帖九十六瞻彼行葦牛羊勿踐履詩注言

卷四

三

周室忠厚

案毛詩作敦彼行葦傳云敦聚貌

維葉萋萋○毛詩釋文泥泥張揖作萋萋云草盛也

維葉柎柎○文選注四詩曰維葉柎柎左思蜀都賦

案盧文弨云潛夫論德化篇引詩作維葉握握當是

柎柎之論

肆筵設机○楚詞注九筵席也詩曰肆筵設机

案毛詩作設席机字疑誤以下有授几有緝御也

或膳或炙○左傳成十三年正義詩曰或膳或炙

案膳毛詩作燔燔與膳通左傳與執燔焉燔亦作膳

加斂脾臄○毛詩箋以脾函爲加故謂之嘉正義曰定本集注經皆作嘉箋以脾臄爲加故謂之嘉是爲嘉美之加也

案阮氏按勘記云依此則正義本經當作加字然箋以加訓嘉者詁訓之法也若經字作加則箋無庸云故謂之加矣當以定本集注爲長

嘉穀脾臄○毛詩釋文臄字或作臄

案臄訓口次肉臄訓會飲酒作臄者同音假借字也嘉肴脾臄○玉篇肉部臄口上阿也詩曰嘉肴脾臄

案文選注四十二引詩亦作嘉肴

卷四

舍矢既鈞○列女傳六詩曰敦弓既堅舍矢既鈞言射有法也

案此句上有四鐮既鈞句則當依毛詩作舍矢既均於義爲長

敦弓既殼○毛詩釋文既句說文作殼云張弓曰殼

彫弓既殼○張衡東京賦彫弓既殼

案毛詩正義云敦與彫古今字之異又引二京賦曰彫弓既殼殼與句字雖異義同

酌以大料○毛詩釋文斗字又作料

案說文料勺也徐曰料有柄形如北斗用以斟酌也

黃耆鮐背○藝文類聚十八毛詩曰黃耆鮐背以引以翼
案白帖六十引詩亦作鮐背毛詩台字卽鮐之借

既醉

室家之壺○毛詩釋文壺苦本反毛廣也鄭捆紩也

說文口部壺宮中道从口象宮垣道上之形詩曰室家
之壺

案壺字正義本作壺段玉裁云說文壺从口象宮垣

也餘象道按上當是從東省從東者內言不出於閫
之意喬樅攷玉篇壺字入橐部橐橐也廣韻曰橐大
東是壺字隸變爲壺從橐消取捆束堅緻之義故箋

卷四

三

云壺之言捆也室家先以相捆緻已乃及於天下

釐爾士女○列女傳一詩曰釐爾士女從以孫子

案毛詩作女士箋云女而有士行者

鳧鷖

鳧鷖在梁○說文鳥部鷖鳧屬从鳥毇聲詩曰鳧鷖在梁

案段玉裁云梁字誤當作涇

爾肴既馨○太平御覽九百十九詩曰爾肴既馨

爾肴既嘉○太平御覽九百十九詩曰爾肴既嘉

公尸來燕醺醺○說文西部醺醉也从酉熏聲詩曰公尸

來燕醺醺

案毛詩作公尸來止熏熏箋云燕七祀之尸於門戶之外不敢當王之燕禮故變言來止熏熏坐不安之意與許君義異

籒炙芬芬○說文繫傳炙部籒下錯曰詩曰籒炙芬芬

案今詩作燔卽籒字之消

假樂

嘉樂○左氏文四年傳公賦嘉樂

案左傳襄二十六年又云晉侯賦嘉樂毛詩作假乃古文之段借故傳卽訓假爲嘉

趙岐孟子注七詩大雅嘉樂之篇

卷四

三

嘉樂君子憲憲令德○禮記中庸詩曰嘉樂君子憲憲令德

案釋文云嘉詩作假音同正義云詩本文憲憲爲顯顯與此不同者齊魯韓詩與毛不同故也

隸釋綴氏技尉熊君碑嘉樂君子

保佑命之○禮記中庸詩曰保佑命之自天申之

案毛詩佑作右

穆穆煌煌○班固明堂詩穆穆煌煌

案毛詩煌作皇

且君且王○毛詩釋文且君且王一本且竝作宜字

案作且者毛詩古本也後漢書趙壹賦云且公且侯
子子孫孫又郭躬陳寵傳贊云施于孫子且公且卿
文法卽本此詩

不騫不忘○春秋繁露郊語篇詩云不騫不忘率由舊章
不憊不亡○說苑建本篇詩云不憊不亡率由舊章

案文選注二十三引毛詩作不憊不忘憊與憊同見
漢書集注憊與騫通見文選李善注說詳齊詩攷

帥由舊章○隸釋小黃門譙敏碑帥由舊章

案盧文弨云風俗通愆禮篇引詩率由舊章宋本率

字作帥

卷四

五

率由仇匹○春秋繁露楚莊王篇詩云率由仇匹

案仇匹毛詩作羣匹

不解于位民之攸暨○漢書五行志中之上詩曰不解于
位民之攸暨

案毛詩釋文以匪解作音是其本作匪解于位今通

志堂本仍作不臧庸云葉鈔釋文作匪懈又左傳哀
五年引詩民之攸暨釋文本作攸暨

匪懈于位○詩經考文不解古本作匪懈

民之攸昃○爾雅釋詁某氏注詩曰民之攸昃

案毛詩昃作暨正義曰暨與昃古今字

公劉

迺裹糗糧○毛詩釋文餼字或作糗糧本亦作糗

乃裹糗糧○文選于令升晉紀總論詩曰乃裹糗糧

案文選注廿二引詩文同又白帖十四卅四引詩同

乃裹餼糗○太平御覽七百四詩曰乃裹餼糗

思戢用光○孟子梁惠王下篇詩曰思戢用光

案戢毛詩作輯

思集用光○尚書無逸某氏傳思集用光

迺場迺疆○唐石經迺場迺疆

案釋文云場音亦唐石經作場誤也

卷四

三

而無永嘆○毛詩釋文歎字或作嘆

陟則在甌○毛詩釋文甌本又作嘍

案正義本作嘍阮氏按勘記云正義引釋山曰重甌

隙又引西京賦陵重甌是其本亦作甌字與釋文本

同唐石經以下出於又作本

迺覲于京○毛詩釋文迺覲古豆反

案今正義作乃覲唐石經乃作迺與釋文本同

既登乃展○毛詩釋文依毛如字鄭於豈反箋云或展字

案鄭箋云公劉既登堂負展而立阮氏按勘記曰此

箋易傳以依爲展之假借不云讀爲直於訓詁中改

其字以顯之也今攷釋文以箋云依或辰字是陸所據鄭箋有此語或轉寫脫佚耳

既登迺依○唐石經既登迺依

迺造其曹○唐石經迺造其曹

案釋文本作乃造

既景迺同○毛詩正義定本影皆爲景字

案據正義則孔所據本作影字阮氏技勘記曰影爲景之俗字論詳顏氏家訓當以定本爲長

于邠斯觀○白虎通京師篇詩曰篤公劉于邠斯觀

案觀毛詩作館館觀古通說詳魯詩攷

卷四

四

取礪取礪○毛詩釋文取厲本又作礪取鍛本又作礪

案詩經考文云古本作取礪取礪

芮隃之卽○漢書地理志本注詩芮隃雍州川也師古曰

隃讀與鞠同韓詩作芮隃

案據此是齊韓詩同作芮隃

納坻之卽○周禮職方氏注納在幽地詩大雅公劉曰納坻之卽

案毛詩釋文云芮本又作納

納鞠之卽○周禮釋文坻詩作鞠

案鞠今釋文正義本並作鞠徐錯說文繫傳引詩作

河

可以饋饘○毛詩釋文饘甫云反又作饋字書云一蒸米也爾雅饋餽餽也孫炎云蒸之曰饋均之曰餽郭云餽熟曰餽

說文食部饘酒食也从食喜聲詩曰可以饋饘重文餽云饘或从臯又糲云饘或从米

凱弟君子○禮記孔子閒居詩曰凱弟君子民之父母
愷悌君子○孝經廣至德章詩云愷悌君子民之父母
管子輕重下篇詩曰愷悌君子民之父母

卷四

四

荀子禮論詩云愷悌君子民之父母

呂覽不屈篇詩曰愷悌君子民之父母愷者大也悌者長也君子之德長且大者則爲民父母

賈子君道篇詩曰愷悌君子民之父母言聖王之德也
說苑政理篇詩云愷悌君子民之父母未見子富而父母貧者也

愷弟君子○百虎通義號篇詩曰愷弟君子民之父母

案毛詩作豈弟爾雅釋詁疏引詩豈作愷宋本說苑

引詩愷作凱史記孝文紀後漢書章帝紀引詩並作

愷悌趙坦云山左金石後魏張猛龍碑亦作愷悌

臧庸云文選注九引詩亦作愷悌又後漢書章帝紀
注引詩作人之父母

卷阿

栗風自南○毛詩釋文栗風迴風也本亦作飄

案正義本作飄風

來遊來歌○列女傳六詩云來遊來歌以矢其音

案詩經考文云古本游作遊攷太平御覽五十六引

詩亦作遊字與列女傳合

伴奂爾游矣○毛詩箋伴奂自縱弛之意也

案毛傳云伴奂廣大有文章也釋文伴音判徐音畔

卷四

聖

奂音喚徐音換正義曰伴爲廣大奂爲文章故孔晁

引孔子曰奂乎其有文章伴乎其無涯際則毛當讀

爲伴奂不得如徐音徐音自爲鄭讀也據此是鄭讀

伴奂爲畔換與毛文義並異蓋用三家之說

嗣先公爾酋矣○爾雅釋詁注詩曰嗣先公爾酋矣

案毛詩作似先公酋矣傳云似嗣也此所引文異蓋

據舊注所引魯詩之文也

似先公適矣○毛詩正義曰適終釋詁文彼適作酋首義

同也

案阮氏校勘記云正義當本作酋終釋詁文彼酋作

適寫者亂之耳

以先公酉矣。○唐石經原刻似字作以

被祿康矣。○爾雅釋詁注詩曰被祿康矣

案毛詩作蒹祿爾康矣此所引文異蓋亦據舊注魯詩之文毛傳訓蒹為小箋云蒹福也卽用三家訓義

有憑有翼。○毛詩釋文馮本又作憑

愷悌君子。○列女傳五詩曰愷悌君子四方為則

案毛詩作豈弟

禹禹昂昂。○蔡邕上壽表詩曰禹禹昂昂

隸釋漢平都相蔣君碑禹禹昂昂。○又漢衛尉衡方碑

卷四

禹禹昂昂

案毛詩作卬卬爾雅釋訓同卬卬昂之消借字

案衆經音義四詩曰禹禹昂昂

案衆經音義十三引詩文同

如珪如璋。○荀子正名篇詩曰如珪如璋

案毛詩作如圭唐石經作如珪

蔡邕上壽表詩曰如珪如璋

中論修本篇詩云如珪如璋令聞令望

案文選注四十二四十六引詩皆作珪又後漢書檀

敷傳注引詩文同

令問令望○毛詩釋文聞音問本亦作問

荀子正名篇詩曰令問令望

案文選注四十六四十七引詩文同

鳳凰于飛噦噦其羽○說苑奉使篇詩曰鳳凰于飛噦噦其羽

案唐石經鳳作皇說文颺下引詩正作皇字鳳者皇之俗體也噦噦毛詩作颺颺蓋颺之假借

講講王多吉士○毛詩釋文譌於害反說文作講

說文言部講臣盡力之美也从言葛聲詩曰講講王多

吉士

卷四

四四

梧桐生矣於彼高岡鳳皇鳴矣於彼朝陽萋萋萋萋噦噦○論衡講瑞篇詩云梧桐生矣於彼高岡鳳皇鳴矣於彼朝陽萋萋萋萋噦噦

案此所引梧桐生矣四句與毛詩次異初學記引此四句與論衡同又噦噦毛詩作雝雝

雍雍噦噦萋萋萋萋○焦氏易林觀之謙雍雍噦噦萋萋萋萋

案此二句亦與毛詩次異蓋二家師讀本有不同耳詩經考文云古本作雍雍與易林合

民勞

迄可小康○漢書元帝紀詩不云虐民亦勞止迄可小康
案迄毛詩作汜

毋從詭隨○左氏昭二十年傳詩曰毋從詭隨以謹無良
案左傳釋文云毋本亦作無毛詩毋從作無縱

毋從詭隨○家語正論解詩曰毋從詭隨
以謹是良○潛夫論述赦篇毋縱詭隨以謹是良

案是字疑無之誤

慘不畏明○左氏昭二十年傳詩曰式遏寇虐慘不畏明
家語正論解詩曰式遏寇虐慘不畏明

案毛詩釋文慘本亦作憺曾也正義本作憺不畏明

卷四

四十五

暨不畏明○說文曰部暨會也从日旡聲詩曰暨不畏明
採遠能邇○毛詩釋文採音柔本亦作柔能徐云毛如字
鄭奴代反

案鄭箋能仰也釋文云仰檢字書未見所出廣雅云
如若也均也義音相似而字則異舊音如庶反義亡
難見鄭注尚書云能恣也與此不同正義曰尚書注
以能爲恣則此云仰也與恣同謂順適其意也今檢
集韻類篇並云仰均也據孔疏以仰爲順適則義當
訓若若卽順也

以謹悵悵○毛詩釋文悵音昏說文作悵云悵也

說文心部恨愾也从心民聲愾亂也从心奴聲詩曰以謹愾愾

案段玉裁說文注云恨各本作愾今正民勞釋文曰

愾說文作愾舊本如是今本作說文作昏誤也

以謹謹曉○周禮大司徒疏毛詩曰以謹謹曉

案鄭箋云愾愾猶謹曉也此疏所云毛詩從箋所訓

改字也

毋縱詭隨○左氏文十年傳詩曰毋縱詭隨以謹罔極

以謹繩卷○毛詩釋文繩字或作卷

王用玉女○詩經考文古本欲作用

卷四

吳

板

上帝版版○文選注五十四毛詩曰上帝版版辨命論

案後漢書董卓傳論注引詩亦作版版

下民卒瘁○毛詩釋文卒瘁本又作瘁沈本作瘁

案爾雅釋詁瘁病也疏引詩亦作瘁字

下民卒瘁○禮記緇衣詩云上帝板板下民卒瘁

案禮記釋文板作版又云卒瘁本亦作瘁是陸孔本

有不同也

下民瘁瘁○韓詩外傳五詩曰上帝板板下民瘁瘁

案毛詩箋云天下之民盡病是以卒字訓盡與韓詩

文義竝異

靡聖憲憲○廣韻二十四緩詩傳云憲憲無所依

案毛詩傳云管管無所依也廣韻所引詩傳作憲憲

當是三家今文毛古文作管卽憲字之假借

不實于亶○唐石經於作于

案葛本詩經同

猷之未遠○列女傳六詩云猷之未遠是用大諫

案毛詩猷作猶

是用大簡○左氏成八年詩曰猶之未遠是用大簡

案大簡詩作大諫杜預左傳注云簡諫也則簡卽諫

卷四

七

之古文假借字

無然咄咄○無然詵詵○說文口部咄多言也从口世聲

詩曰無然咄咄○又言部詵多言也从言世聲詩曰無

然詵詵

案咄詵字同許所引詩皆三家今文也毛詩作泄泄

乃古文之假借

詞之卍矣○說文繫傳十部卍詞之卍矣从十耳聲徐鍇

曰此詩云詞之卍矣民之釋矣今詩緝字註和集也故

從十

案玉篇廣韻並引說文卍辭之集也則說文卍下原

本當有辭之集也詩云六字蓋轉寫奪失之段氏說
文注云今毛詩作輯傳云輯和也許所稱蓋三家詩
辭之集矣○新序雜事三詩曰辭之集矣民之洽矣

民之協矣○左氏襄卅一年傳詩曰辭之輯矣民之協矣
列女傳六詩曰辭之輯矣民之協矣

案協洽音近而義亦同小雅正月詩洽比其鄰左傳
兩引皆作協比

辭之釋矣○毛詩釋文釋本亦作憚

案正義本作憚與陸本文異詩經考文云古本作憚
阮氏校勘記曰案古無憚字以釋爲之釋文是也

卷四

四八

及爾同寮○毛詩釋文僚字又作寮

案盧文弨云左傳文七年荀林父賦板之三章亦作
同寮趙坦云唐石經正作寮字

聽我敖敖○潛夫論明忠篇詩云我卽爾謀聽我敖敖

案敖敖毛詩作囂囂爾雅釋訓敖敖傲也正釋此詩
之訓與潛夫論引詩文同皆據魯詩也

勿用爲笑○荀子大畧篇詩曰我言惟服勿用爲笑

案毛詩用作以

詢于芻蕘○鹽鐵論刺議篇詩曰先民有言詢于芻蕘

案後漢書列女傳注引作詢於芻蕘

老夫嚶嚶小子矯矯○尙書大傳注老夫嚶嚶小子矯矯
案嚶毛詩作灌爾雅釋訓作嚶荀子非十二子篇嚶
嚶然而不知其所非也注以嚶嚶爲喧躑之貌謂爭
辯也矯毛詩作躑列女傳引詩作矯矯矯古通用國
語晉語長魚矯左氏成十七年傳作長魚矯是其驗
也漢書薛宣朱博傳音義引呂靖曰矯毒蟲也今借
以爲矯字

老夫懽懽○爾雅釋訓懽懽憂無告也

案爾雅釋文云灌灌本或作懽是爾雅懽懽二字正
釋板詩老夫懽懽之訓

卷四

四

小子矯矯○列女傳三詩曰老夫灌灌小子矯矯

多將諂諂○爾雅釋訓諂諂諂諂崇諂慝也

案毛詩作煇煇郝懿行曰爾雅諂諂本亦作煇故釋
文諂諂下別出煇字是卽古本作煇之證陸德明不
察以爲本今無此字非也說詳魯詩攷

民之方唵伊○毛詩釋文殿說文作唵屎說文作伊

說文口部唵伊也从口念聲詩曰民之方唵伊又云伊
唵伊呻也从口尸聲

案爾雅釋訓殿屎呻也釋文云殿屎或作欵欣又作
慙脈說文作唵伊五經文字亦云屎說文作伊然則

說文作唵呶誤也段玉裁曰說文唵下當云唵呶也今本無唵者淺人以爲複字而刪之無呻者淺人所改也宜依全書通例補正呶下當云唵呶也从口伊省聲作呶者俗人妄改也以虫部呶字例之亦爲伊省聲

民之方殿呶○蔡邕和熹鄧后謚議入懷殿呶之聲

案殿或从口作噉或从心作懣呶或从言作詎或从欠作欣並音義同

民方殿屎○詩經考文古本無之字

相亂茂資○說苑正理篇詩云相亂茂資曾莫惠我師

卷四

五

案相亂毛詩作喪亂

天之誘民如墳如篋○風俗通義六詩云天之誘民如墳如篋

案詩經考文云古本牖作誘下同太平御覽八百七

引毛詩亦作天之誘民墳毛詩作壩

如璋如珪○虞世南北堂書鈔五詩曰如璋如珪

案詩經考文云古本圭作珪

誘民孔易○禮記樂記詩云誘民孔易

韓詩外傳五詩云誘民孔易

史記樂書詩云誘民孔易裴駟集解曰誘進也

民之多僻○毛詩釋文多僻匹亦反邪也

案正義本作多僻諸所引詩竝作僻字

文選張衡思元賦覽蒸民之多僻兮畏立辟以危身舊注曰毛詩曰民之多僻無自立辟

文選稽康幽憤詩民之多僻政不由己

案文選張平子東京賦周姬之末政用多僻注亦引詩作僻

家語子路初見篇詩曰民之多僻無自立辟

玉篇人部詩云民之多僻僻邪也

衆經音義九詩曰民之多僻箋云僻邪也

卷四

五

人之多僻○後漢書張衡傳注詩曰人之多僻無自立辟案此民字作人避太宗諱而改也

介人維藩 太師維垣○毛詩箋介甲也太師三公也

案釋文云价鄭作介大師音泰注同

介人惟藩大師惟垣大邦惟屏大宗惟翰懷德惟甯宗子惟城毋俾城壞毋獨斯畏○漢書諸侯王表詩載其志曰介人惟藩大師惟垣大邦惟屏大宗惟翰懷德惟甯宗子惟城毋俾城壞毋獨斯畏

案毛詩介作价惟俱作維毋俱作無盧文弨云漢書王莽傳引亦作介人惟藩又爾雅釋詁注引同

荀子君道篇詩曰介人惟藩大師惟垣

左氏昭六年傳詩曰毋俾城壞毋獨斯畏

畏天之怒不敢戲豫○後漢書蔡邕傳詩云畏天之怒不

敢戲豫

案毛詩畏作敬不作無下句同

不敢戲豫 不敢馳驅○左氏昭三十二年傳詩云敬天

之怒不敢戲豫敬天之渝不敢馳驅

後漢書郎顛傳詩云敬天之怒不敢戲豫

案丁鴻傳引詩同又爾雅釋詁疏引亦作不敢戲豫

敬天之威不敢驅馳○後漢書楊秉傳詩云敬天之威不

卷四

五

敢驅馳

案毛詩威作渝驅馳作馳驅文與此異

及爾游羨○毛詩釋文羨本或作衍

案正義本作衍

大雅蕩之什

盪盪上帝○爾雅釋訓盪盪僻也孫炎注盪盪法度廢壞之僻

案毛詩箋云蕩蕩法度廢壞之貌孫炎即取鄭箋為說是詩蕩蕩三家文有作盪盪者爾雅釋文云蕩蕩本或作盪盪

其命多僻○毛詩釋文辟又作僻

說苑至公篇詩云疾威上帝其命多僻言不公也

天命匪忱○說文心部忱誠也从心允聲詩曰天命匪忱

案毛詩天生烝民其命匪誕字不作忱許所引詩據

卷四

五

三家今文也

咨爾殷商○文選注廿四毛詩曰咨爾殷商

潘安仁為賈誼作贈陸機詩

案毛詩爾字作女

曾是疆圉○漢書敘傳曾是疆圉拊克為雄

案王氏詩攷所引如此盧文弨云今漢書敘傳下及

注作強圉毛詩作疆禦傳云疆禦疆梁禦善也

曾是倍克○毛詩正義云定本拊作倍倍即拊也

侯詛侯祝○侯作侯呪○毛詩釋文作本或作詛祝本或

作呪非

案正義云作即古詛字尚書無逸篇疏引詩作侯詛

咆恟於中國○文選注六詩云咆恟於中國
魏都賦舊注

咆恟于中國○說文繫傳口部咆下錯曰按詩云咆恟于

中國

案毛詩恟恟上有女字徐鍇說文繫傳引詩無女字
與文選注合恟恟咆恟古今文之異

爾德不明呂亡陪亡卿不明爾德呂亡背亡爪○漢書五行志中之下詩云爾德不明呂亡陪亡卿不明爾德呂
亡背亡爪

案晉書五行志中引同惟爪字作側毛詩作不明爾
德時無背無側爾德不明以無陪無卿與此所引文

卷四

異班志載五行傳引詩云云蓋本齊詩也

以無倍無側○韓詩外傳五詩曰不明爾德以無倍無側

案王氏詩攷所引如此又外傳卷十引詩同今本改
從毛詩作時無背無側非是

以無培無卿○毛詩釋文陪本又作培

既誓爾止○毛詩釋文衍本又作誓

式號式諄○毛詩釋文呼崔本作諄

漢書敘傳班伯曰式號式諄大雅所呂流連也

案此作諄字與崔本合說詳齊詩攷

或號或呼○毛詩釋文式一本作或號或呼

卑書作夜○毛詩釋文卑本亦作俾後皆同

案正義本作俾

如蝸如螳○白帖九十五詩云如蝸如螳

案毛詩螳作蟴

內蠱于中國○文選六劉淵林注詩曰內蠱于中國

案蠱毛詩作𧈧傳云𧈧怒也不醉而怒曰𧈧正義引

西京賦云巨靈𧈧屬以流河曲則𧈧者怒而目作氣

之貌故為怒也集韻𧈧从三大二目或省作𧈧𧈧又

通作蠱玉篇云蠱負作力貌蠱負猶蠱蠱也

本寔先敗○列女傳七詩曰枝葉未有害本寔先敗

卷四

案毛詩作本寔先撥

殷監不遠在夏后氏之世○漢書杜欽傳詩云殷監不遠

在夏后氏之世

案毛詩監作鑒夏后下無氏字漢書劉向傳及谷永

傳引詩並作殷監

近在夏后之世○國語周語下詩云殷鑒不遠近在夏后

之世

案毛詩無近字盧文弼云宋明道二年本國語亦無

近字

抑

懿戒○國語楚語衛武公作懿戒以自儆韋昭注懿讀曰抑大雅抑之篇也

惟德之隅○漢書馮奉世傳贊詩稱抑抑威儀惟德之隅

案惟毛詩作維漢書敘傳及東平憲王傳引並作惟

惟德之隅○隸釋漢劉熊碑惟德之隅

案偶字卽隅之段借

靡詰不愚○靡慙不愚○毛詩釋文詰本又作哲亦作慙

陟列反下同

案正義本作哲

文選注廿三詩曰靡詰不愚

卷四

無哲不愚○淮南人間訓詩曰人亦有言無哲不愚

有梏德行○禮記緇衣詩云有梏德行四國順之

案梏毛詩作覺傳云覺直也爾雅釋詁梏直也字異

而音義並同

訏謨定命○毛詩釋文謨沈本亦作謨

說見前

遠猷辰告○韓詩外傳六詩曰訏謨定命遠猷辰告

案猷毛詩作猶

惟民之則○韓詩外傳六詩曰敬慎威儀惟民之則

案左傳襄三十一年引詩亦作惟毛詩作維

漢書匡衡傳詩大雅曰敬慎威儀惟民之則

案續漢書祭祀志注載東觀漢記引詩文同

荒悽于酒○韓詩外傳十詩曰荒悽于酒

案此據王氏詩攷所引今本外傳改作湛與毛詩同

荒沈于酒○漢書五行志谷永對曰詩曰荒沈于酒

女雖耽樂從○張衡西京賦耽樂是從

案耽毛詩作湛

女雖湛樂克從○唐石經女雖湛樂克從

案阮氏校勘記云唐石經樂下旁添克字案添者誤

毋淪胥以亡○詩經考文古本無作毋

洒掃庭內○毛詩釋文庭音庭

卷四

五

案正義本作庭唐石經初刻庭後改廷蓋依釋文本

灑掃庭內○韓詩外傳六詩曰夙興夜寢灑掃庭內

案太平御覽二百八十五引毛詩作洒掃庭內庭此轉

寫者誤倒之臧庸以爲異文非是

修爾輿馬弓矢戈兵用戒則用逃○潛夫論勸將

篇詩修爾輿馬弓矢戈兵用戒則用逃

案毛詩輿作車戈作戎用戒則作用戎戎作逃作

邊文並與此異說詩魯詩攷

用剔鬢方○毛詩箋邊當作剔剔治也

案說文走部云邊古逃字彭部云鬣鬣髮也且矣詩

攘之剔之釋文云剔或作髻翦剔古今字逃過其假借也詳見鄭箋改字說

告爾民人○韓詩外傳六詩曰告爾民人謹爾侯度

案王氏詩攷引外傳作告今本仍同毛詩作質非

說苑修文篇詩云告爾民人謹爾侯度

誥爾民人○鹽鐵論世務篇詩云誥爾民人謹爾侯度

案諸所引俱作民人唐石經作人民蓋誤倒之郭璞

爾雅注引詩質爾民人卽毛詩句可爲確證也

慎爾侯度○左傳襄廿二年詩曰慎爾侯度用戒不虞

晉書傅亮傳詩曰慎爾侯度用戒不虞言防萌也

卷四

五

案慎毛詩作謹

白珪之玷猶可磨也○史記晉世家詩曰白珪之玷猶可

磨也孔子弟子列傳三復白珪之玷

案毛詩珪作圭猶作尙

說苑說叢篇詩云白珪之玷尙可磨也

案文選注廿六引詩亦作珪字又太平御覽三百九

十引同

白圭之剗○說文刀部剗缺也从刀占聲詩曰白圭之剗

案毛詩釋文玷缺也說文作剗玉篇云剗或作玷是

剗玷字同

毋曰苟矣○詩經考文古本無作毋

亡言不讐亡德不報○漢書王莽傳詩曰亡言不讐亡德

不報

無德不報無言不酬○後漢書明帝紀詩曰無德不報無

言不酬

案此引詩二句疑轉寫者誤倒之

無言而不讐無德而不報○墨子兼愛篇大雅之所道曰

無言而不讐無德而不報

無言不醜○列女傳五詩云無言不醜無德不報

無言不酬○韓詩外傳十詩曰無言不酬無德不報

卷四

五

案王氏詩攷引外傳作酬今本外傳仍同毛詩作讐

後人所改也

蔡邕太尉橋公廟碑無言不酬

無言不售○毛詩箋教令之出如賣物物善則其售賈賤

物惡則其售賈賤

案釋文讎市由反徐云鄭市又反售市又反一本作

讎謂讎物價也此音則與毛同是鄭箋售字或亦作

讎本有不同也正義云箋以用非讎之正訓且與報

德連文故以爲讎報物價則孔氏所據本作讎字矣

無言不訓○藝文類聚三十一詩曰無言不訓

案訓卽酬字見蒼頡篇

子孫承承○韓詩外傳六詩曰子孫承承萬民靡不承

案毛詩承承作繩繩說詳韓詩攷

子孫繩繩○爾雅釋訓繩繩戒也

案爾雅釋文繩繩本或作繩繩同食蒸反作繩者二家之異文也

萬民是不承○毛詩釋文靡不承一本靡作是

尙不媿于屋漏○毛詩釋文媿俱位反

案正義本作媿臧庸云唐石經宋本注疏宋本爾雅

釋言注並作媿字

卷四

本

毛詩箋屋小帳也

案釋文屋如字或云鄭於角反鄭君訓屋爲小帳是

讀屋爲幄字

毋曰不顯○詩經考文古本無作毋

矧可斁思○說文繫傳通論詩曰矧可斁思

案斁毛詩作射

不譽于儀○禮記緇衣詩云淑慎爾止不譽于儀

案譽毛詩作愆說詳齊詩攷

不譖不賊○毛詩釋文不僭本亦作譖下我譖同

温温恭人○毛詩釋文恭本亦作共

告之詁言○毛詩釋文話尸快反說文作詁云詁故言也
案毛傳云話言古之善言也與說文訓合則毛詩當
本作詁言故毛以古之善言爲訓作話者非

覆謂我譖○毛詩釋文僭本亦作譖

嗚呼小子○楚詞注序詩人怨王刺上曰嗚呼小子未知
臧否

交選注卅七詩曰嗚呼小子未知臧否諸葛孔明
出師表

案毛詩作於乎說詳韓詩攷

匪面命之言示之事匪口誨之言提其耳○說文繫傳口
部石下詩曰匪面命之言示之事匪口誨之言提其耳

卷四

十一

案毛詩匪手携之言示之事匪面命之言提其耳楚
金繫傳所引文異盧文弼以爲此或誤記耳又繫傳
虺下引詩作言提之耳亦與毛詩文異

藉曰未知○漢書霍光傳詩云藉曰未知亦旣抱子
案藉毛詩作借

誰夙知而暮成○毛詩釋文莫本亦作暮

案詩經考文云古本莫作暮

我心懍懍○五經文字我心懍懍

案阮氏校勘記云釋文本正義本皆作慘慘唐石經
同此以韻求之當作懍懍爲是

誨爾誦誦○毛詩釋文諄諄字又作誦

案爾雅釋訓誦誦亂也卽釋此詩之訓釋文云誦或作諄音同

誨爾恻恻○禮記中庸注肫讀如誨爾恻恻之恻

案恻毛詩作諄說詳齊詩攷

誨爾純純聽我眊眊○尙書大傳洪範五行傳注誨爾純純聽我眊眊

案純者誦之譌字眊者邈之假借說詳魯詩攷

聽我邈邈○淮南修務訓注詩云誨爾諄諄聽我邈邈

案邈毛詩作藐爾雅釋訓邈邈罔也正釋此詩邈義

卷四

空

聽之藐藐○甲論虛道篇詩曰誨爾諄諄聽之藐藐

匪爲用教○葛本詩經匪爲用教

案阮氏按勘記云唐石經小字本相臺本皆作匪用

爲教閩本明監本毛本用爲誤倒與葛本同

取辟不遠○列女傳八詩曰取辟不遠昊天不忒

案毛詩辟作譬

桑柔

苑彼桑柔○毛詩釋文苑音鬱茂也

案今釋文仍同正義本作苑臧庸云宋版釋文作苑

其下侯洵○爾雅釋言某氏注詩云其下侯洵

案洵毛詩作旬卽洵之消借李巡云洵徧之均也
倉況填兮○毛詩釋文兄音況本亦作況

案詩經考文云古本兄作況

旰旒有偏○毛詩釋文有偏音篇本亦作翩

案正義本作翩字趙坦云國語周語下補音引詩作

旰旒有偏與釋文同

具禍以蓋○毛詩釋文蓋才及反災餘曰蓋本亦作燼同

案正義本作燼字臧庸云葛本作具旣以燼

國步斯曠○說文目部曠恨張目也从目賓聲詩曰國步

斯曠

卷四

五

案曠毛詩作頻傳云頻急也箋云頻比也許所引詩

據三家之異文也

靡所止凝○毛詩正義疑音凝凝者安靖之義故爲定也

案王氏詩攷引詩說云靡所止凝齊詩作凝

憂心殷殷○憂心隱隱○楚詞注十六詩云憂心殷殷○

舊校云一作隱隱

案殷毛詩作愬爾雅作殷釋文云殷樊光讀於謹反

郝懿行云此卽隱字之音說詳魯詩攷

逢天亶怒○毛詩釋文亶都但反厚也本亦作亶同

案正義云亶亶音相近義亦同

孔棘我禦○毛詩箋圍當作禦甚急矣我之禦寇之事

案毛傳訓圍爲垂正義引舍人爾雅注云圍拒邊垂也鄭箋訓與毛異蓋用三家之說

告女憂郵誨女序嚴孰能執執鮮不用濯○墨子尚賢篇詩云告女憂郵誨女序嚴孰能執執鮮不用濯

案毛詩女皆作爾嚴作爵孰作誰鮮作逝用作以墨子所引詩文與毛氏異

如彼愬風○文選注十三詩云如彼愬風

謝希逸月賦

案錢大昕曰袁宏賦感不絕于予心愬流風而獨寫正用此詩阮氏校勘記云唐石經初刻作愬後改作

卷四

六

邇李善注月賦引作愬當是三家異字石經誤用之耳亦所云字體乖師法也

亦孔之悉○說文繫傳悉悒也乞咽也詩曰如彼邇風亦孔之悉向風而行則乞啜也

案悉毛詩作僂爾雅釋言僂也

逆云不逮 拼云不逮○毛詩釋文弄字又作逆音曹耕反徐補耕反本或作拼

案毛傳弄使也正義曰弄使釋詁文攷爾雅拼使也

郭注云見詩邢疏曰大雅桑柔云弄云不逮拼弄音義同逆字亦以音近通假集韻逆音悻與倅同使也

好是家嗇○毛詩釋文家王申毛音駕謂稼穡也鄭作家
謂居家也下句家穡惟實同穡本亦作嗇音色王申毛
謂收穡也鄭云吝嗇也尋鄭家嗇二字本皆無禾者下
稼穡卒痒始從禾

案正義云箋不言稼當爲家則所授之本先作家字
也是孔氏亦以鄭君本作家嗇與陸氏語同

家嗇惟實

見上

威我立王○唐石經初刻作威後改從滅

案阮氏按勘記云初刻作威誤也

降此蚤賊○毛詩釋文蚤說文作蚤

卷四

蚤

案詩經考文云古本蚤作蚤

哀侗中國○毛詩釋文侗本又作恫

案阮氏按勘記云通志堂本盧本侗作恫恫作痾案
所改未是也當是釋文本此經字作侗與唐石經以

下各本不同小字本所附上侗下恫乃順正文改易

耳阮按是也

以念穹倉○舊本詩經蒼作倉

秉心宣猷○列女傳八詩曰秉心宣猷考慎其相

案毛詩猷作猶

惟彼不愼○陸贄集詩云惟彼不愼自獨俾臧言自用也

案慎毛詩作順陸所引或據韓詩之文

自獨卑臧○呂覽知度篇注詩云惟彼不順自獨卑臧

淮南汜論訓注訾毀行人自獨卑臧

案毛詩卑作俾

自有拂腸○毛詩釋文肅本作拂芳廢反

案集韻拂音怖金藏也本作肺

朋友已僭○毛詩釋文譖本亦作僭

胡此畏忌○漢書賈山傳詩曰匪言不能胡此畏忌

案此毛詩作斯

泰風有隧○爾雅釋天注詩曰泰風有隧

卷四

案泰毛詩作大

泰風有遂○初學記一詩曰泰風有遂

泰風有墜○太平御覽九詩曰泰風有墜

惟彼不順往以中坳○韓詩外傳五詩曰惟彼不順往以

中坳闇行也

案往毛詩作征中坳今本外傳作蟲坳誤此據王氏

詩攷所引

大風有遂○潛夫論退利篇言是大風也必將有遂是貪

民也必將敗其類

案毛詩遂作隧

聽言則對諧言則退。漢書賈山傳詩曰聽言則對諧言則退。

案顏師古注云今詩本云聽言則對誦言如醉說者又別爲義與此不同喬樞謂此二句自是兩無正詩文賈山用魯詩魯說以彘柔與兩無正均爲刺厲王之詩故與匪言不能二句類舉之非彘柔之異文也說詳魯詩攷

反予來赫。毛詩箋口距人謂之嚇。

案釋文赫毛許白反炙也與王赫斯怒同義本亦作嚇鄭許嫁反口距人也莊子云以梁國嚇我是也臧

卷四

庸云衆經音義三引詩並作嚇字又司馬光太元集注引詩作反予來嚇與釋文亦作本合

職諒善背。毛詩箋諒信也。

案釋文涼毛音良薄也鄭音亮信也下同

諒曰不可。唐石經涼作諒。

案詩經考文云古本職涼與涼曰皆作諒字

雲漢

剗彼雲漢。北堂書鈔天部韓詩曰剗彼雲漢注曰宣王

遭早仰天也

案對字乃剗之譌小雅甫田篇倬彼甫田釋文云倬

韓詩作剗剗卓也此詩毛作倬彼雲漢知韓詩亦作剗字也說詳韓詩攷

昭囀於天 王曰嗚呼 飢饉荐臻○春秋繁露郊祀篇時曰倬彼雲漢昭囀於天王曰嗚呼何辜今之人天降喪亂飢饉荐臻

案據王氏詩攷引春秋繁露如此今本春秋繁露於作于嗚呼作嗚乎飢作饑與詩攷所引文異毛詩於亦作于嗚呼作於乎飢作饑荐作薦與董子所引亦異是古今文本有不同也

藝文類聚一百詩曰饑饉荐臻

卷四

亥

案爾雅仍饑爲荐釋文云荐本作薦

珪璧既卒○春秋繁露郊祀篇詩曰珪璧既卒

案毛詩珪作圭考文云古本作珪

鬱隆炯炯○毛詩釋文蘊韓詩作鬱蟲蟲韓詩作炯炯

韓詩傳曰炯謂燒草傅火盛也

華嚴經音義下

案傅火當是傅火之譌蘊鬱雙聲故通用集韻燼本作炯是燼炯字同埤蒼云炯炯熱貌也說詳韓詩攷

溫隆蟲蟲○毛詩釋文蘊本又作焜

溫隆蟲蟲○毛詩正義曰溫字定本作蘊

蘊隆燼燼○爾雅釋訓燼燼熏也郭注早熱熏炙人

案毛詩蟲蟲卽熾熾之消借

后稷不刻○毛詩箋克當作刻刻識也

案釋名釋言語云克刻也詳見鄭箋改字說

耗穧下土○毛詩釋文斲說文字林皆作穧

耗射下土○春秋繁露郊祀篇詩曰耗射下土

耗斲下土○玉篇木部耗敗也詩云耗斲下土

案耗卽耗之俗體毛詩釋文引韓詩云耗惡也說詳

韓詩攷斲射古字通用

矜矜業業○毛詩釋文競本又作矜

維周黎民○論衡藝增篇詩云維周黎民靡有孑遺

卷四

六九

案論衡洽期篇引詩仍作周餘黎民與毛詩同

胡不相畏○毛詩釋文相毛如字鄭息亮反

案陸以鄭箋訓相爲助與毛公異韻正義申毛卽用

鄭箋之義是孔意謂毛鄭訓同也

先祖于嗷○毛詩箋摧當作嗷嗷嗟也

案毛傳訓摧爲至陳啟源曰箋云先祖之神于嗟乎

告困之辭如箋說則經文于字當讀爲吁也

赫赫煊煊○毛詩釋文炎如連反本或作煊音同

案詩經考文云古本作煊攷毛傳云炎炎熱氣也則

作煊者假借字也爾雅釋訓亦作炎炎

薇薇山川○說文艸部薇草旱盡也从艸微聲詩曰薇薇

山川

蒹蒹山川○玉篇艸部詩云旱既太甚蒹蒹山川

案蒹蒹毛詩作滌滌玉篇蒹下云本亦作滌疑蒹爲蒹之譌字說文及玉篇所引詩皆三家異文也

如憺如焚○毛詩釋文焚本又作焚同扶云反

案焚字各本譌作樊說文焚燒田也當作焚爲是盧文弼云小字本所附是焚字

如炎如焚○後漢書章帝紀今時復旱如炎如焚章懷注曰韓詩旱魃爲虐如炎如焚

卷四

半

案炎毛詩作憺正義曰定本經中作如憺如焚是正義所據本作如炎矣藝文類聚一百引詩亦作如炎我心癉暑○白帖四詩我心癉暑

案癉毛詩作憺傳云憺勞也是讀憺爲癉箋云憺畏也是讀如字與毛義異

憂心如燠○毛詩釋文熏本又作燠

案今本熏字作薰非是唐石經作熏小字本相臺本閩本同詩經考文云古本作薰宋板同

甯俾我遂○毛詩釋文遂本亦遂

案說文遂古文遁字遁亦作遂

密勿畏去○後漢書蔡邕傳宣王遭旱密勿祇畏

案毛詩作黽勉畏去黽勉三家今文多作密勿

胡甯疹我以旱○毛詩釋文瘡韓詩作疹云重也

案爾雅釋言疹重也疹與疹音同義通疹猶文疹字

方社不暮○毛詩釋文莫本亦作暮

敬恭明祀○毛詩釋文明祀本或作明神

案今正義本作明神文選東京賦爰敬恭於明神李

善注引詩同惟卷二十四注引作明祀隸釋載西嶽

華山亭碑亦作明祀

穴哉冢宰 究哉冢宰○毛詩釋文冢本或作穴又作究

卷四

十一

案說文穴貧病也引詩瘳瘳在穴今毛詩作在疚是

疚穴字通又究訓窮也與穴義亦相近

靡人不凋○毛詩箋周當作凋

案衆經音義八九兩卷引詩並作凋從鄭箋本也

瞻仰昊天○毛詩釋文仰音仰本亦作仰下同

案詩經考文云古本作仰下並同

云如何瘳○云如何惺○毛詩釋文里如字憂也本又作

瘳爾雅作惺並同王云瘳病也

案爾雅惺憂也毛傳以憂釋里是讀里爲惺之假借

有讖其聲○說文言部讖聲也从言歲聲詩曰有讖其聲

案毛詩作有嘒其聲許君所引文與毛詩異據三家
今文也

崧高

惟嶽○毛詩釋文嶽字亦作嶽

崧高惟嶽峻極于天惟嶽降神生甫及申○禮記孔子問

居詩曰崧高惟嶽峻極于天惟嶽降神生甫及申注云

言周道將興五嶽為之生賢輔佐仲山甫及申伯

案毛詩崧作崧峻作駿惟作維傳以甫為甫侯即呂

侯也說與此異盧文弼曰今本禮記惟亦或作維

丕羊傳定四年注詩曰崧高惟嶽峻極于天

卷四

圭

風俗通義十中央曰崧高者高也詩云崧高惟嶽峻

極于天

案藝文類聚七太平御覽三十九引詩文同

崧高惟岳峻極于天惟岳降神○初學記五詩曰崧高惟

岳峻極于天惟岳降神生甫及申

案白帖五引詩崧高維岳又引詩作崧高維嶽又兩

引峻極于天句又文選注五十九引亦作峻

後漢書禰衡傳孔融疏曰惟岳降神異人並出

水經注江水二詩曰惟岳降神

案文選注三十七引詩文同

爲周之翰○禮記孔子閒居詩曰惟申及甫爲周之翰
案毛詩爲作維

唯周之翰○家語問玉篇詩曰惟申及甫唯周之翰

四國于藩○詩經考文蕃古本作藩

王踐之事○毛詩釋文續韓詩作踐踐任也

王薦之事于邑于序南國爲式○潛夫論志氏姓篇詩曰

臺臺申伯王薦之事于邑于序南國爲式

案潛夫論三式篇引詩薦作繼序作謝爲作是仍與

毛詩同疑後人依毛詩改之繼踐薦皆以音近通假

禮記中庸踐其位鄭注云踐或爲繼是古通之證薦

卷四

圭

字訓仍與繼字訓繼義亦相近序謝古亦通用儀禮

鄉射禮今文序則鉤楹內鄭注讀如成周宣榭之榭

廣韵亦云古者序榭同

以作爾墉○毛詩釋文庸本亦作墉

案毛傳庸城也鄭箋庸功也是毛以庸爲墉之假借

有俛其城○毛詩釋文倣本又作俛

錫爾玠珪○爾雅釋器珪尺二寸謂之玠郭注詩曰錫爾

玠珪

錫爾介珪○太平御覽八百二詩曰錫爾介珪

案御覽八百六引詩文同毛詩作介珪

往近王舅○毛詩箋近辭也聲如彼記之子之記

案孔氏正義本近作近毛居正六經正誤云近說文作𠄎从刀从辵今作近音記譌作近喬樞攷釋文云近音記是陸本當作近字今釋文近亦作近後人傳寫誤耳詳見鄭箋改字說

申伯旋南○詩經考文古本還作旋

以時其糗○毛詩釋文時如字本又作峙直紀反兩通

案正義本作峙

既入于徐○楚詞注十三徐申伯所封也詩曰申伯番番既入于徐

卷四

七

案徐毛詩作謝說詳魯詩攷

柔此萬邦○毛詩釋文揉本亦作柔

蒸民

天生蒸民 民之秉夷○孟子告子上詩曰天生蒸民有

物有則民之秉夷好是懿德

潛夫論德化篇詩云民之秉夷好是懿德

案蒸毛詩作烝夷毛詩作彝白虎通姓名篇衆經音

義七引詩並作蒸民

天臨有周○詩經考文古本監作臨

案說文監臨下也監字从臨省故義並通

生中山甫○漢書古今人表作中山甫

案中毛詩作仲

故訓是式○列女傳二詩云故訓是式威儀是力

案中毛詩作古訓傳云古故也

赫赫王命○毛詩釋文納亦作內音同

赫赫王命○後漢郎顛傳詩云赫赫王命仲山甫將之

案中赫赫毛詩作蕭蕭

既明且知○禮記中庸詩曰既明且知以保其身

案中禮記釋文云且哲徐本作且知揚子方言哲知也

既明且詒○隸續丹陽太守郭緡碑既明且詒

卷四

七

案詒古文哲字見玉篇字亦作嘉又作詒竝同

夙夜匪懈○說苑立節篇詩云夙夜匪懈以事一人

案中懈毛詩作解古文消借字也

惟仲山甫劄亦不吐柔亦不茹○漢書薛宣傳注師古曰

大雅蒸人之時云惟仲山甫劄亦不吐柔亦不茹言其

平正也

左氏文十年傳詩曰劄亦不吐柔亦不茹

案中毛詩作柔亦不茹劄亦不吐考蔡中郎集司空房

楨碑云剛則不吐柔則不茹亦上下句互易與左傳

引同師古漢書注云云蓋據舊注所引三家詩之文

也惟毛詩作維

不侮鰥寡○左氏昭元年傳詩曰不侮鰥寡不畏彊禦

案鰥毛詩作矜新序雜事四引詩亦作鰥與左傳同
不畏彊圍○漢書王莽傳詩曰不侮鰥寡不畏彊圍

案圍毛詩作禦蔡邕集范史雲碑亦作不畏彊禦

不辟彊禦○國策秦策高誘注不辟彊禦不侮鰥寡

案辟毛詩作畏高註疑亦三家之異文

我義圖之○毛詩釋文義毛如字宜也鄭作儀儀匹也

案阮氏校勘記云釋文正義二本皆作義鄭以義爲
儀之假借耳未嘗改爲儀也唐石經乃竟作儀字誤

卷四

七六

唯仲山甫補之○左氏宣二年傳詩曰衮職有闕唯仲山

甫補之

案唯毛詩作維臧庸云白帖十二又卅九引俱作惟

仲山甫補之○後漢書朱暉傳注詩曰衮職有闕仲山甫

補之

案楊賜傳注引詩同俱無惟字

征夫捷捷○玉篇人部詩云征夫捷捷捷樂事也

案捷捷毛詩作捷捷捷古通說詳巷伯篇

四牡騁騁○說文馬部騁馬盛也从馬旁聲詩曰四牡騁

騁

四牡駢駢○說文馬部駢馬盛肥也从馬光聲詩曰四牡

駢駢

案毛詩作四牡彭彭許所傳詩據三家今文也段玉裁說文解字注云小雅北山四牡彭彭傳曰彭彭然不得息大雅蒸民四牡彭彭箋云彭彭行貌大明四駢彭彭箋云馬強疑皆非許所稱鄭風清人駢介旁旁蓋許稱此而駢介轉寫作四牡耳許所據旁作駢毛傳本有駢駢盛貌之語後逸之喬樅謂段說非也彭旁古音同在十部得相通假說文示部駢門內祭先祖所旁皇也从示彭聲詩曰祝祭于駢重文祊云

卷四

三

駢或从方方與彭古音同部也可爲此詩彭駢古通之明證又二部云旁溥也从二闕方聲旁从方聲故今文尙書旁字古文尙書作方據駢字之或作祊可知彭字之或作駢必爲三家今文無疑駢者正字彭者古文同音假借字也如段氏說旣改說文馬盛也爲馬盛貌又改詩四牡爲駢介且增駢駢盛貌四字以爲毛傳本有此語轉寫者逸之未免勇於自信矣惟於駢下引詩四牡駢駢據陸德明釋文有駢說文作駢語謂陸所見說文作駢駢牡馬卽魯頌之駢駢牡馬也其說近是王氏詩攷以四牡駢駢亦爲四牡

彭彭之異文恐未必然徐鍇說文繫傳駢下有今詩
作彭之語王氏蓋沿其誤耳

入鸞將將○毛詩釋文將將七羊反本亦作鏘同

案正義本作鏘鏘

仲山甫征齊○詩經考文古本徂作征

吉父作誦○文選注廿四詩曰吉父作誦張茂先答何劭詩

案毛詩作吉甫

穆若清風○白帖八十八詩曰穆若清風

案若毛詩作如

仲山父永懷○文選注廿三詩曰仲山父永懷阮嗣宗咏懷詩

卷四

七

案文選注廿九引詩甫亦作父

韓奕

維禹陟之○周禮稍人注甸讀如維禹陟之之陟

案信南山亦有此句周禮釋文讀甸為繩證反與陟

同音此詩釋文云甸之毛徒遍反鄭繩證反繩證反

卽陟之音讀知鄭箋亦讀甸字為陟也

有暉其道○毛詩釋文倬陟角反明貌韓詩作暉音義同

案廣雅釋詁云暉明也義卽本韓詩說詳韓詩攷

纂我祖考○白帖五十纂我祖考

案毛詩作纘戎祖考傳云戎大也箋云戎女也臧庸

以白帖所引卽此詩之異文喬從謂我字蓋戎之譌

夙夜匪懈○詩經考文古本解作懈

虔恭爾位○毛詩箋古之恭字或作共

案毛傳云共執也正義以傳讀共爲拱釋文云共毛

九勇反鄭音恭云古恭字鄭君蓋從三家今文也

以其介珪○太平御覽八百六詩曰以其介珪

案珪毛詩作圭

王賜韓侯○周禮屨人注詩曰王賜韓侯

案賜毛詩作錫

淑旂綏章○毛詩釋文綏本亦作綏

卷四

案綏說文訓爲系冠纓與綏義別古以音近通假

鉤膺鏤錫○說文金部錫馬頭飾也从金陽聲詩曰鉤膺

鏤錫

案錫毛詩作錫錫卽錫之省文

輶軼淺箴○毛詩釋文輶亦作軼軼莖三同幘本又作箴

案玉篇草部輶軼中軼也軼軼同集韻軼亦作軼軼

顯甫餞之○毛詩釋文顯父本亦作甫

藝文類聚五詩曰顯甫餞之

其肴惟何○毛詩釋文肴本亦作敝

藝文類聚五詩曰其肴惟何

案正義本什殺

其鸞惟何惟葦及蒲○說文弼部鸞鼎實惟葦及蒲

案鸞毛詩作菽段氏說文解字注云此有奪當云鼎實也詩云其鸞惟何惟葦及蒲筍作葦者二家詩也

其箴伊何○太平御覽九百七十六詩曰其箴伊何

維筍及蒲○毛詩釋文筍字或作筍

韓侯娶妻○毛詩釋文取本亦作娶

入鸞將將○毛詩釋文將本亦作鏘

姪娣從之○白虎通嫁娶篇詩曰姪娣從之祊祊如雲

案姪娣毛詩作諸娣三家今文與毛氏異

卷四

川澤游游○太平御覽三十七詩曰川澤游游

案游游毛詩作訐訐御覽所引採摭三家異文也

魴鱖詡詡○易林離之中孚魴鱖詡詡

案詡詡毛詩作甫甫詡甫並訓為大是音近義同

麀鹿麀麀○毛詩釋文噴本亦作麀

普彼韓城○潛夫論志氏姓篇詩曰普彼韓城

案普毛詩作溥

其追其貉○毛詩釋文貉說文作貉云北方人也

案五經文字云貉經典相承作變貉

掩受北國○詩經考文古本奄作掩

案掩有撫義毛傳云奄撫也是讀奄爲掩字

寔埔寔寔寔臥寔籍○毛詩箋實當作寔趙魏之間實寔同聲寔是也

案釋文云實毛如字鄭作寔詳見鄭箋改字說

獻其豝皮○毛詩釋文豝本亦作豝音毗卽白狐也

案詩經考文古本作豝豝者豝之或體見說文豸部

江漢

江漢陶陶○風俗通山澤篇詩云江漢陶陶

案陶陶毛詩作浮浮說詳魯詩攷

匪安匪游○後漢書東夷傳注詩曰匪安匪游

卷四

十一

案游毛詩作遊

淮夷來痛○爾雅釋詁痛病也

案毛傳鋪病也正義曰釋詁文彼鋪作痛音義同釋

文曰鋪音吳反徐音孚孚者痛字之音徐從三家今

文讀鋪爲痛卷耳詩我僕痛矣釋文痛本又作鋪同

是痛爲正字鋪爲古文假借字也

武夫儻儻○爾雅釋訓儻儻武也

案爾雅釋文云泚泚舍人本作儻音同說詳魯詩攷

古文苑班固北征頌注詩云武夫儻儻音光武勇貌

案舞陽侯樊噲贊注引詩文同

武夫潢潢○鹽鐵論繇役篇詩云武夫潢潢經營四方

案潢潢毛詩作泐泐說詳齊詩攷

王命邵虎○文選注三十七詩曰王命邵虎曹子建求自談表

案邵毛詩作召

徹我土疆○後漢書東夷傳注詩曰徹我土疆

案土疆毛詩作疆土

來旬來宣○毛詩箋來勤也旬當作營

案釋文來毛如字鄭音賚旬毛音巡鄭作營旬營古

書多相通假詳見鄭箋改字說



肇敏戎功○後漢書宋宏傳詩不云乎肇敏戎功

卷四

全

案周舉傳引詩文同功毛詩作公

拒鬯一攸○毛詩釋文卣本又作攸

案卣古文作古文作形近音同故得通假周

禮鬯人廟用修鄭注修讀曰卣修字從攸亦得假借

爲卣字

錫之山川土田附庸○毛詩釋文錫山土田本或作錫之

山川土田附庸者是因魯頌之文妄加也

案毛傳云諸侯有大功德賜之名山土田附庸正義

曰此經無附庸傳云附庸者以土田卽是附庸定本

集注毛傳皆有附庸一字然則後人妄加經文爲錫

之山川土田附庸者蓋因傳有附庸二字而尋入耳
令問不已○家語問王篇詩云明明天子令問不已

案問毛詩作聞

弛其文德協此四國○禮記孔子閒居詩云弛其文德協
此四國

案毛詩弛作矢協作洽說詳齊詩攷

春秋繁露竹林篇詩云弛其文德洽此四國

施其文德○禮記釋文弛皇作施又注弛施也皇本作施
布也

案施弛矢皆一聲之轉毛傳云矢施也釋文云施如

卷四

壹

字爾雅作弛式氏反

常武

赫赫明明○毛詩釋文赫字又作焮

案焮字玉篇云火色也集韻云本作赫或作焮亦作
焮是二者字同

南中大祖○漢書古今人表作南中

案中毛詩作仲

既傲既戒○周禮夏官序官注詩曰既傲既戒

案傲毛詩作敬箋云敬之言警也警傲字同

徐方驛騷○毛詩箋釋當作驛

案釋文云釋音亦鄭作驛音同謂傳驛也坳詩以車
釋釋釋文載崔本作驛驛是釋驛古通之證

而震而怒○毛詩釋文一本此兩如字皆作而

闕如哮虎○風俗通二詩美南仲闕如哮虎

案哮毛詩作虺說詳魯詩攷

噉如虯虎○文選注入毛詩曰噉如虯虎揚子雲羽獵賦噉

案說文繫傳噉下錯曰詩曰進厥虎臣噉如哮虎近

此義也噉字攷玉篇同啖當作噉爲近噉玉篇云叫

噉怒也

敷敦淮瀆○毛詩釋文鋪韓詩作敷云大也

卷四

後漢書馮緄傳詩不云乎敷敦淮瀆仍執醜虜

案後漢書班固傳注云敦猶迫逼也詩曰敷敦淮瀆

章懷所引是據韓詩之文與馮緄傳合

鋪屯淮瀆○毛詩箋敦當作屯

案釋文云敦王申毛如字厚也韓詩云迫也鄭作屯

喬縱謂屯猶頓也敦亦頓也王以敦訓厚未得毛旨

敦彼淮瀆○說文水部瀆水厓也从水賣聲詩曰敦彼淮

瀆

案許君所傳詩作敦彼蓋亦三家之異文

扔執醜虜○毛詩釋文仍如字就也本或作扔

案仍仍音義並同

王師驪驪○漢書敘傳王師驪驪

案此卽王旅嘽嘽之異文說詳齊詩攷

民民翼翼○毛詩釋文綿如字靚也韓詩作民民同

案今外傳本仍同毛詩作綿綿誤當據釋文改正民

綿以雙聲假借說詳韓詩攷

王猷允塞徐方其來○荀子議兵篇詩云王猷允塞徐方

其來

案荀子君道篇亦引此詩一語其來仍作既來與毛

詩同又新序雜事四漢書嚴助傳引詩猶皆作猷又

卷四

全

文選注五十六引詩同

韓詩外傳六詩曰王猷允塞徐方既來

徐方既徠○漢書景武昭宣元成功臣表詩云徐方既徠

案徠毛詩作來

王曰旋歸○詩經考文古本還作旋

瞻卬

瞻卬昊天○詩經考文古本作瞻仰

案釋文云卬音仰鄭箋仰視幽王爲政正作仰字

蟬賊蟬疾○毛詩釋文蟬本又作蝨

女反脫之○潛夫論述赦篇詩刺彼宜有罪女反脫之

案後漢書王符傳引詩同反脫毛詩作覆說說脫古
今字之異釋文云說一音他活反

詰夫成城○毛詩釋文詰音哲本亦作哲

案詰者哲之古文正義本作哲

懿厥恚婦○漢書谷永傳詩云懿厥恚婦爲梟爲鴟

案恚毛詩作哲說詳魯詩攷

列女傳七詩曰懿厥恚婦

婦爲長舌惟厲之階○天戴禮本命注詩云婦爲長舌惟
厲之階

案毛詩爲作有惟作維

卷四

六

匪降自天○漢書谷永傳詩云匪降自天生自婦人

案毛詩作亂匪降自天列女傳七引詩亦有亂字

時惟婦寺○列女傳七詩曰匪教匪誨時惟婦寺

案惟毛詩作維

籀人伎忒○說文人部伎與也从人支聲詩曰籀人伎忒

案毛詩籀作鞠伎作伎廣韻五寘伎傷害也詩云鞠

人伎忒亦與說文同作伎字

儻始竟背○毛詩釋文譌本又作儻

伊胡爲媿○文選神女賦注韓詩曰媿悅也

案媿毛詩作慝箋云慝惡也與韓義異說詳韓詩攷

婦無功事○白帖入詩云婦無功事休其蠶織

案白帖八十二引詩仍作婦無公事與毛詩同又臧

庸以白帖引作休其蠶織為三家異文喬樞謂職字

乃織之譌白帖入引作蠶織不誤

含爾介逖○集韻廿三錫逖說文云遠也詩曰含爾介逖

案毛詩釋文狄毛他歷反遠也鄭如字謂夷狄許所

引詩作逖知毛公以狄字為逖之假借也

邦國殄頓○漢書王莽傳詩曰人之云亡邦國殄頓

案頓毛詩作瘁

甯自全矣○列女傳入詩曰心之憂矣甯自全矣

卷四

案全毛詩作今

無忝爾祖式救爾訛○列女傳三詩曰無忝爾祖式救爾

訛

案爾祖毛詩作皇祖爾訛毛詩作爾後列女傳所引

據魯詩之文也

名緝

我居御卒荒○韓詩外傳入詩曰我居御卒荒

案御毛詩作圉

浩浩訛訛○爾雅釋訓浩浩刺素食也

案爾雅釋文臯臯本作浩浩臯浩聲相近臯者毛

詩古文浩者三家今文也

草不彙茂○毛詩箋潰茂之潰當作彙彙茂貌

案班固幽通賦枝葉彙而靈茂即本此詩與鄭箋攷

讀合知鄭君是據三家今文也說詳齊詩攷

如彼棲柎○眾經音義廿五詩云如彼棲柎

案柎毛詩作直元應所引據韓詩之文說詳韓詩攷

維今之灾○毛詩釋文灾字或作灾

職况斯引○詩經考文古本見作况下同○云云

不云自濱○列女傳八詩云池之竭矣不云自濱

案濱毛詩作頻

卷四

六

昔者先王受命有如召公之臣○毛詩關雎正義詩六字

者昔者先王受命有如召公之臣之類也

案今毛詩無者字無之臣三字正義所云或據集注

採摭三家異文也

有如邵公○後漢書西域傳注詩曰有如邵公



